



Broj: 04-40-1-109/26
Sarajevo, 20.04.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 19.04.2026. do 08:30 sati 20.04.2026. godine**

U izvještajnom periodu Kantonalni operativni centar civilne zaštite zaprimio je jednu informaciju o pronalasku NUS-a:

- dana 20.04.2026. godine u 07:50 sati od Službe civilne zaštite Ilidža, da je u prostorije Službe donesen NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji će pronađeno ubojno sredstvo preuzeti u narednom periodu..

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su intervenciju dana 19.04.2026.godine u 20:30 sati u ulici Miroslava Krleže br.1 (Općina Novi Grad), gdje je gorio stan. Požar ugašen u 23:17 sati, a na gašenju požara učestvovalo 9 vatrogasaca sa dva vatrogasna vozila. Pricinjena materijalna šteta. Također imali su i 12 manjih intervencija i to: 2 na gašenju zapaljenog otpada na otvorenom, jedna na gašenju zapaljenog niskog rastinja, jedna na gašenju zapaljenog krova radionice, jedna tehnička intervencija na otvaranju zaglavljanih vrata i 7 obezbjeđenja (6 pretakanje goriva na Međunarodnom aerodromu Sarajevo, 1 obezbjeđenju auto-trke).

Općinski operativni centar civilne zaštite Stari Grad: U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka zaštite i spašavanja, dana 19.04.2026.godine, izvršili su obilazak i osmatranje terena na lokalitetima Curine njive, Knjeginjac i Bistrički potok.

Na lokalitetu klizišta Curine njive utvrđeno je da nema značajnih promjena u odnosu na predhodni dan. Tlo je vidno zasićeno vlagom što dodatno utiče na njegovu stabilnost. I dalje je prisutno blago osipanje zemlje prema prvim objektima, odnosno na dijelu igrališta. Dotok vode iz pravca deponije je konstantan ali smanjenog intenziteta, pri čemu se voda i dalje slijeva prema nižim dijelovima. Na ostatku klizišta nisu uočene nove veće pukotine niti druge promjene.

Na lokalitetu deponije i dalje je vidljivo slijeganje gornjeg dijela. U donjem dijelu konstantno su prisutne plavne površine kao i protok vode prema klizištu. Nisu uočena nova odlaganja zemljanog niti drugog materijala.

Na lokalitetu Bistričkog potoka također nema većih promjena. Korito potoka i dalje je djelimično zatrpano zemljano-kamenim materijalom i obrušenim stablima. Protok vode u potoku odvija se nesmetano. U gornjem dijelu iznad mosta na području Istočni Stari Grad i dalje je prisutno obrušeno kamenje i oborena stabla, što može utjecati na protočnost u slučaju povećanog vodostaja.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 10°C, vlažnost zraka 60%, barometarski pritisak 941,2 hPa.

Dana 19.04.2026. godine aparati u Centru za seizmologiju Federalnog hidrometeorološkog zavoda registrovali su zemljotres na području Sarajeva. Epicentar zemljotresa je bio na području Pala. Zemljotres se dogodio u 19:53 sa magnitudom 3.0 Richtera, a intenzitet je iznosio između III-VI stepeni Merkalijeve skale. Prema preliminarnim podacima ovaj zemljotres nije mogao izazvati štete na objektima, sem panike među stanovništvom.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a